

浓浓上海闲话 唯有新民晚报

侬乡下人要做“城里人”仔

文 / 周曙明

我养拉农村,长拉农村,从三林中学初中毕业,正碰上“文革”,只好回到乡下头“修地球”,种仔大半生世田,做到老也勿发财。暖,想勿到我回来后稍翘吹,前年仔侬海头规划造经适房,侬征地转性成了居民户,每个月有仟干块养老金,看毛病还可以报销。侬要登到小区里去“城里人”吹【dha,哉,咪】。

农民动迁末是侬农民个大喜事,侬应当支持国家建设。我顶反对做事体牵丝扳藤勿爽气。我是一向欢喜“薄刀开毛竹,一刮两响”个。隔壁邻舍话,动迁组个人侬是讲花好稻好样样好,弄来完来络乱天花;还讲伊拉是啥个骗煞人勿偿命。我想,政府也勿会独欺侬个,来挨门达户做工作个干部末搭我前世无冤今世无仇,骗我选个宿老头子做啥?我自家

弄堂茄山河

阿拉小区有一个退休个火车司机人缘邪气好,搭伊同辈个人叫伊阿亮哥,小一辈个人喊伊老爷叔。老爷叔退休以后,日脚过得有滋有味有规律。早浪向伊总归要到小花园里散散步,再到小区门口大饼摊吃一碗咸豆浆搭一只甜大饼。勿过春节辰光做大饼人家勿出摊了,伊只好辣屋里向吃咸菜花生米过泡饭。早饭吃好伊就到菜场买菜,菜买回来交拨老太婆,伊就坐辣沙发里听广播。中饭吃过伊会得打一歇瞌睡,醒过来吃喝一杯茶就到老年活动室去。

说方言(四)

大师名家

“老实说罢,国语不过是最优胜的一种方言;今日的国语文学在多少年前都只不过是方言的文学,正因为当时的人肯用方言做文学,敢用方言做文学,所以一千多年之中积累了不少的活文学,其中那最有普遍性的部分遂逐渐被公认为国语文学的基础。我们自然不应该仅仅抱着这一点历史上遗传下来的基础就自己满足了,国语的文学从方言的文学里来,仍须要向方言的文学里去寻他的新材料,新血液,新生命。”

胡适:1925年顾颉刚编《吴歌甲集》胡序。

汤团是自家包个好吃

文 / 蔡小鸥

上海人过年总归要吃汤团个,从初一吃到十五,年再算过好。老早个汤团是自家屋里做个。用石磨子磨水磨粉,捏猪油黑洋酥,芝麻炒熟了要用捣臼松烂,做好馅,再包汤团。

我小辰光最喜欢喜磨水磨粉了,舀上一勺糯米磨几圈,白白个水磨粉沿老磨槽慢慢叫流拉接应个锅里,等磨好后,再放进布袋用绳子扎牢袋口吊拉竹竿浪滴水,做好粉搭水分离后,再可以揉捏搓包下了吃。乃末还根据勿同个口味,包成几

一碗水辣拉两个儿子面浪端得平,八九不离十末就可以拉吹。

实话讲,侬个旧房子赔偿个钞票末,拿我个身体贴上去卖脱仔末,也买勿起啥房子。现在两个儿子拉,一家一套新房子拿好,侬老夫妻两个登一室一厅个套,还有好几万块个装修铜钿,真是辣拉梦里也【hha】想勿着个。旧年头,宅浪向有个好心人搭我讲:老爷叔啊,佢去算算命看,迭生世还发啥财哦,依现在前勿着村,后勿着店,只勿过乘迭趟动迁个机会脱政府讨价还价,多弄眼铜钿。我讲,命里穷末是个穷,拾着黄金变仔铜,人算勿如天算。老早个辰光,辣拉侬爷娘手里,只不过传我半房半灶一间旧房子,伊拉也是爷传儿子子传孙个,哪能伊拉几生几世起勿起啥船吃造勿起啥屋,到仔我一代个手里末,侬哪能介来吃造得

起两上两下楼房,外加两个灶披间?人末要讲良心,勿可以汗毛根根曲,人心依勿足个。迭趟动迁,我是老实话斜气满足拉吹。所以末,我吃虾等勿得弯,辣拉签约个辰光,头一个上去签。乃末又有人讲我勿和勿乖,寿头八气。我是娘俩个嫁爷俩个,一门心思拉吹,再讲讲末我也是老党员,也应该要配合政府做好动迁工作。

签约过后一个月,我辣拉浦江世博家园里借仔一套三室一厅个房子,一大家门搬进去过渡,每月过渡费补贴付脱仔还有勿少余头,加浪【上】侬个养老金,真是坐仔拿铜钿,开心来吃三日饱。搬家个一天,侬一家门辣拉老房子前头拍仔一张“合家欢”,临到走,我拿张“xx村7组28号”个门牌拆【jiao】下来留作纪念。侬一家门乡下人要做“城里人”仔!

老爷叔

文 / 任丽青

依勿要看老爷叔搓勿来麻将打勿来牌,伊最喜欢看《新民晚报》搭仔《参考消息》。伊一面看报纸一面跟人家茄山河,从国际形势到国家大事,讲得头头是道。伊文化水平中专,勿过迭眼水平是扎扎实实勿打折扣个,大家侬老买伊账个。活动室离伊拉屋里只有200米左右,伊走回去起码要用廿分钟。为啥呢,看到熟人欢喜就聊两句,人家有啥个烦恼啦勿开心啦,伊就开导人家;听到有啥好白相个事体,两家头就哈哈大笑。回到屋里向,老爷叔就拿出一块揩布,

拿木头扶手从六楼到一楼认真揩一遍。人家表扬伊,伊就讲,自家年纪大了,走楼梯离勿开扶手,揩揩清爽自家人家侬方便,迭桩事体做好伊就坐辣厨房里向看老太婆烧夜饭,吃好夜饭看脱一歇电视就睡觉了。勿过有辰光伊个生活规律也会打破个,葛末肯定是儿子孙子孙囡来了。搵两个小囡一回来末,赛过淘箩里个田鸡跳出来仔,闹猛得勿得了,老爷叔只晓得跟伊拉混辣一道,疯辣一道。小囡回转去了,老爷叔个生活又恢复了原来个规律。

沪语趣说

老

上海闲话有伊独特个味道

搭仔趣味,是其他语言没法替代个。一个“老”字,可以讲出介许多花头经,依讲扎勿勿扎劲。

年高色衰:老菜皮
 门楣贼精:老屁眼
 多年相好:老蚌头
 专家老手:老弹簧
 骂人高人:老甲鱼
 很不要脸:老面皮
 勤恳操劳:老黄牛
 经常吹牛:老牛皮
 老不正经:老十三
 恶称老人:老棺材
 嗜酒如命:老酒瓮
 一直不和:老相公
 好好先生:老好人
 老式建筑:老虎窗
 诙谐称呼:老先生

海派腔调:老克拉
 经验丰富:老法师
 侬骂老人:老浮尸
 见机行事:老滑头
 破旧不堪:老爷车
 很有办法:老门槛
 老实憨厚:老实头
 老年爱美:老来俏
 旧屋故地:老娘家
 没有变化:老套头
 有份量人:老家生
 长期搭档:老搭子
 旧自行车:老坦克
 过去时间:老底子
 寻欢作乐:老白相

推脱搪塞:老浆糊
 推搡不动:老油条
 百事在行:老懂经
 价格不菲:老价钿
 原来时间:老辰光
 吹牛连天:老牛三
 返老还童:老来少
 熟人常客:老户头
 公平公正:老娘舅
 口味喜咸:老盐头
 少年老成:老茄茄
 这个东西:老鬼三
 高价商品:老虎肉
 流传已久:老话头
 流传总结:老古话

从小学平等 哪能别苗头

滕康画



家教

富门寒教

文 / 吴之多

旧年新民晚报报道了一位伤心母亲个投诉:伊个囡因为自家跟爸爸妈妈侬侬没买到老师建议个参考书而大发脾气,拿夜饭菜泼拉地浪向,伊姆妈讲伊两句,她居然出走了之。令人唏嘘个是:迭个小囡拉拉学堂里还是三好学生,事体又发生拉本应向母亲致敬、而勿是让伊伤心个三八妇女节。所以,我个第一个反应是伊拉爷娘对迭个小囡宠宠了,而且欠教养,如果换成拉拉饥寒交迫中长大个囡,随便哪能勿会得暴殄天物,泼倒饭菜来撒气!

我日前碰到过一眼小囡,有个勿思一粥一饭来之勿易;有个对家长大吵大闹做出无理行为个;也有对同学侬侬平等、尊重、友好相处个,也有大手大脚每月手机费开销好几百个,有眼小囡拿手机、自行车、MP3等更新换代赛过家常便饭。有一个家长花上千元搭囡儿买了一双“耐克”鞋,夜到就迫不及待个问伊:“今朝依穿耐克,同学哪能讲?”囡儿冷冷个回答:“耐克有啥啦?啥人来注意依。”为啥拉物质条件越来越好个今朝,常常产生一些家长始料勿及个问题?哪能预防制止迭点问题呢?我觉得传统个朱子家训个核心:“富门寒教”,值得家长们仿效。“富门寒教”个真谛,是有意让下一代拉拉现实生活中经受眼挫折,让小囡懂得勿吃一堑,焉长一智。英国著名个伊顿中

学,学生毕业后100%考进名牌大学,培养出交关人才,经验之一就是让学生吃苦。英国天气老冷,迭所中学勿设暖气,让学生只盖一条毛毯睡觉,沐浴也要用冷水,刻意“劳其筋骨、苦其心志”来磨练学生。自古“成自勤俭败由奢”。湖北省黄冈中学,学生进校第一堂课,就让学生观看学堂专门制作个录像《二十一张图片背后的故事》。其中有一个故事讲述一个穿得老破烂个17岁少年,背拉100多斤煤走1公里路,为个就是赚取1块洋细生活费。再比如讲:我认得一个品学兼优个学生,现在进了哈佛大学就读,伊可以讲出身“富门”,爸爸开高级跑车,但伊从小学到初中,伊爸爸总归用普通个摩托车接送伊读书,还弄得失窃了两部摩托车,伊个爸爸就是刻意要小囡学会平等,学会尊重,避免自傲。而伊姆妈拉拉节假日总归有意识个带小囡到小菜场,体验讨价还价、货比三家勤俭持家个意识,还喜欢跟菜小商贩聊家常,拉拉潜移默化中让小囡懂得“珍惜”搭“感恩”。

总之,做爷娘个如果对小囡“事事迁就、处处包办、饭来张口、茶来伸手”个教育,小囡就勿会懂得劳动个喜悦、勿晓得生活个艰辛,是培养勿出知难而上、百折不挠个人格个,是造就勿出表里如一、荣辱分明个人品个。



老课本欣赏

姆妈拉拉厨房间里向做糕,糕做好后,姆妈叫我拿香喷喷个糕,送拨拉邻舍隔壁,让大家一道来尝尝味道。

和睦个邻舍道里



灶披间

认得个人也吃没几个,现在人家侬认得伊仔,跑进跑出勿招呼叫来三了。老早过年配给个糯米等物事要排队买个,因为有了一套石磨认得交关人,伊拉再会帮阿拉姆妈搞定,迭个就用勿着排队了,节省了交关辰光。

现在过年吃汤团是到超市买几盒现成个回来直接下了吃,少了勿少麻烦,石磨工具已成为灶披间古董了。勿过,超市买来个汤团花头经再浓再透,吃起来吃去个,总归没自家屋里包出来个香糯。